

Academia Cracoviensis

1186.

Parisiensis Universitatis Acta et decreta su-  
per revocatione appellationis a constitutione Uni-  
genitus Clementis XI et super obsequio eadem  
constitutioni exhibendo.



A  
D  
V

Su  
pe  
t

V  
C  
F  
i

Com

I

---

Typ



A C T A  
DECRETA  
VNIVERSITATIS

PARISIENSIS,

Super Revocatione Ap-

pellationis à Constitutione *Unigeni-*

*tus*, CLEMENTIS XI. & super

obsequio eidem Constitu-

tioni exhibendo;

In POLONIAM

VNIVERSITATI

CRACOVIE NSI,

Filiæ suæ Charissimæ

in Testimonium præmissorum

TRANSMISSA.

ac exinde

Communis ergò plausûs atq; ampli-

oris notificationis gratiâ

REIMPRESSA.

CRACOVIAE M. DCC. XXXX.

---

Typis Collegij Majoris, Sumptibûs Novodvorscianis:



Decanus & Facultas Parisiensium Theologorum, celeberrimæ Studij Cracoviensis Universitati salutem plurimam in Eo, qui convertit luctum nostrum in gaudium.



133.534. III  
Iuxta monitum Scripturæ, curam habere debeamus de bono Nomine maximè ubi famæ nostræ aspersam esse novimus maculam, quæ in ea versatur materia, circa quam S. Hieronymus non vult *quemquam esse patientem*. Cum igitur exijs, quæ statim ab obitu LVDOVICI XIV. Inviçtissimi Galliarum Regis in nostra Theologica Parisiensi Facultate adversus Constitutionem *Vnigenitus* à nonnullis turbulentis tentata sunt, iste rumor infaustus de Parisiensibus Theologis per Vniversum Orbem Catholicum increbuerit, Decretum nempe, quod Anno 1714. pro acceptanda & observanda præfata Constitutione Sanctissimæ memoriæ CLEMENTIS Papæ XI. emisserant, subinde declaratum fuisse nullum, falsum & adulterinum; imò communi Magistrorum suffragio renitentibus admodum paucis, interjectam fuisse ad futurum Generale Concilium scandalosam provocationem; uno verbo adversus Apostolicum Decretum ab Episcopis acceptatum & promulgatum insurrexisse, nihilominus totam Facultatem nostram (ex majori enim Suffragiorum numero totius alicujus Ordinis sententia solet æstimari, & Societati integræ ea tribuuntur, quæ ejus jussu ac Nomine peracta fuisse referuntur) Cum inquam, inde vulgò traducerentur Parisienses Theologi non secus; ac si per stupendam animorum conversionem, à pri-

scis



scis Majorum suorum moribus, & ab antiqua, quæ hucusq;  
in ordine suo doctrina viguerat, planè recessissent, spretaq;  
docentis ac judicantis Ecclesiæ Authoritate. *Quam qui non au-*  
*dit tanquam Ethnicus & Publicanus*, ipso pronuntiante CHRI-  
STO Domino, *haberi debet*, se solos aliter docentes esse au-  
diendos jactitarent, eorum ritu, scilicet, qui ut soli sapere vi-  
deantur, Cælum ipsum vituperant; atq; rerum novarum ama-  
tores, *Quorum os abundat malitiâ*, sparsis undequaq; famosis  
suis libellis tanquam totidem funestis flabellis falsum hunc ru-  
morem augere non cessarent, quemadmodum hodierna die,  
nec adhuc desinunt, adeò ut in istis Florentissimis Academijs  
Catholicis nemo fermè foret, qui attendendo ad ea, quæ de  
nobis sinistra fama renuntiante passim circumferebantur; &  
ex altera parte revocando in memoriam suam felicem præ-  
teritorum temporum conditionem nostram, in hæc verba  
luctu ac maxore percitus non statim erumperet, *Hæcine est*  
*illa perfecti decoris Theologica Facultas Parisiensis, gaudium olim*  
*universæ terræ: quomodo obscuratum est aurum? mutatus est color*  
*ejus optimus?* Cum deniq; Sapientissimi Magistri similia fortè  
nonnulla etiam num addatis, de præsentī nostra apud Vos am-  
bigua forte solliciti, intelleximus non satis sufficienterq; con-  
sultum iri famæ Nominis nostri, si quæ per summum nefas ne-  
bulosis temporibus inserta fuerant in Commentarijs nostris,  
& quæ evulgata falso rumori ansam, aliquodq; fundamentum  
hactenus præbuerant, planè penitusq; apud nos rescinderen-  
tur, & ijs substituerentur meliora, sed insuper oportere ad a-  
moliendam hanc labem, acta quæcunq; à nobis ea de re san-  
cirentur, publici juris fierent, ut quòcunq; ad dedecus & op-  
probrium nostrum, rerum malè gestarum iniquitas accesserat,  
ibi pariter ad resarciendum honorem nostrum, damni fortiter  
ac feliciter reparati notitia perveniret; nec minus hodie ad pro-  
pullandam gravem injuriam diffunderetur factis certissimis  
cognitio veritatis, quàm ad constandam turpem calumniam  
sepe pravis artibus diffuderat antea propagatio falsitatis.

Quapropter quæ duo erant æquè necessaria statim atq;  
potuimus, eodem ferme momento præstitimus, alterum, in-  
quo agebatur de statu nostro, ut verbis utamur S. Augustini:

A

necessa-



necessarium erat nobis: alterum quod erat de recuperanda fama Nominis nostri, necessarium alijs; utrumq; debebamus æquitati, honori nostro, Religioni. I. Itaq; ubi sese fausta obtulit occasio, cui jam dudum præstolabamur impatientes moræ emendavimus, quæ jam dudum debuissent emendari. Decretum latum Anno 1714. suæ, ut par erat sinceritati restituimus & Authoritati, atq; nihil ut deesset opere in tanto, & omnibus quæ occurri possent incommodis consulere-mus, nova sanctione eaq; priore Authentica magis ac Solenni-ori Facultas nostra declaravit die 15ta Decembris ultimi in suis Generalibus Comitijs apud Collegium Sorbonæ congregatis amplecti se de novo Constitutionem *Vnigenitus* tanquam dogmaticum Universalis Ecclesiæ iudicium, cui refragari nefas, cui non obsequi nihil aliud est, quàm velle partem habere cum ijs qui de foris sunt, nec ad Ecclesiam ulteriùs pertinent. Adhibuimus cautiones, ne quid huic simile quod evenerat, deinceps contingeret, neq; ad gradus nostros Theologicos admitterentur, nisi de quorum constaret apud nos fidei sinceritate & obsequio, cæteris quæ expendi solent non neglectis, hoc benè ac rectè sapienterq; factum Vobis profecto, Sapientissimi Magistri videbitur, & idem illud fuisse non opportunum duntaxat, sed planè necessarium judicabunt, quotquot sunt æqui rerum æstimatores; neq; enim sufficit præteritis aut præsentibus domesticis malis attulisse remedium, verùm etiam prudentiæ est in posterum prospicere ac providere. Sed aliud supererat præterea non necessarium minus, à quo exordium duxit præsens Epistola, quod similiter non censuimus omittendum. Nempè ut non solum typis ad usum nostrum mandarentur Acta nostra, sed etiam eorum, Exemplaria per Orbem Catholicum affatim spargerentur, & lata eam in rem expressa Conclusionem voluimus ad Insigniores Academias, quarum Catholica Fides, bonus est odor CHRISTI in Ecclesia, quantocyus Nomine nostro mitterentur. Nec dubitamus quin pro Vestra erga Ordinem nostrum propensa voluntate ad aspectum eorum, quæ favente Cælo novissimis istis temporibus feliciter gessimus, non plurimum gaudeatis in Domino nobisq; velitis ex animo gratulari.

Accedit



Accedit ad istud bonum; quod ex se magnū est descendens à Patre luminum, à quo fuit quodcunq; bonum est optimum, quod ex quo prodijt Decretum novum diei istæ Decembris ultimi, sexcenti numero Magistri, quos Officiorum necessitas procul ab Urbe & Comitij nostris disertos retinet, scriptis eximij Epistolis, huic applaudere gestiant sua suffragia nostris adjungere suffragijs gloriantur, & singulis diebus subveniant ad illud idem roborandum Decretum ex varijs Orbis plagis certissima testimonia non inferiora prioribus; adeo ut exceptis adhuc nonnullis numero paucis & de sua nuditate confusis, qui suis privatis opinionibus abrepti à cæteris dissident, atq; idcirco tanquam Viri turbulenti jussi sunt à Comitij nostris abstinere, affirmare meritò jam possimus, utendo Verbis Eutichij Constantinopolitani in sua, nomine sti Concilij ad Vigilium Papam Epistola, *Submota confusione discordiæ pacē reformasse DEVM in ordine nostro, & collectos in unum Magistros, unum idemq; sapere in recta fidei confessione* quod sanè Catholicè sentientibus gratissimū esse debet & multū habet in se non mediocris solatij.

Quid inde porro his acceptis nuntijs eveniet SS. PP ac Magistri, illud certè, quod nostræ, impræsentiarū gloriæ plurimū interesse profiteamur. Quæ infastæ de Nomine nostro fortè apud Vos etiam prævaluerunt suspiciones, delebuntur: redibit pristinus favor, reviviscet præclara, quæ apud Vos ut alibi floruerat olim, nostri Nominis existimatio. Docet S. Augustinus Lib: Confessionum cavendas omnes suspiciones & in antecelsum studendum ne fingatur de nobis quidquid fingi potest aut dici; quantò magis ubi tam noxiæ suspiciones obtinuerunt, nec defuit, proh dolor! aliquod fundamentum, ut obtinerent. His ita positis, nullus est in nostris evulgandis operibus superbiæ typhus metuendus; nulla jactantia, ostentatio nulla, quia vera inest loquendi, ac scribendi & quæ scripta sunt evulgandi necessitas. Scimus quædam esse opera bona, quæ ne fiant coram hominibus, sed in abscondito Divina nobis præcipit in Evangelio CHRISTI Domini sapientia, ad quod attendens præceptum S. Basilius rectè Christianos admonet; inanem gloriam esse fugiendam, quam dulcem bonorum operum spoliatricem non minus verè, quàm eleganter nuncupat. Verum sunt alia tamen opera bona, quæ jubente eodem novæ legis Au-



thore CHRISTO, lucere debent coram hominibus, ut illa videant & glorificent Patrem, qui in Cælis est. Non sunt hæc duo inter se pugnantia, si attendamus ad diversam operum indolem & naturam, de quibus sermo est, necnon & ad conditionem temporum, in quibus nunc versamur & sumus positi, maxime verò, si quæ manifesta fiant & evulgentur eo bono ac recto fine prodeant, quo acta nostra typis recens edita ad Celeberrimam Academiam Vestram mittere satagimus. Nostrium ergo non improbabitur Consilium SS. MM. ex quo mentem nostram, noveritis, vehementer cupimus in amicitiam redire Vestram si forsan ab illa excidimus, nihil magis nobis cordi est, quam Academiæ Vestræ, quæ cæteras inter multiplici titulo eminet, antiqui amoris vinculo & Catholicæ fidei communi-  
one consociari; unde confidimus futurum, ut munusculum illud nostrum, qualequale est ingratum Vobis non sit: erit certè in signum, ære perennius & pignus Authenticum illius Observantiæ singularis, quâ Vos Illustrissimumq; Ordinem Vestrum impensè cõlimus ac veneramur. Valete sapientissimi Patres paululum memores nostri, quorum percelebris Academia olim surculus ex radice nostra, nunc Arbor facta Nobilis expandit ramos magnos in agro Domini & fructus fundit uberimos in scientia & pietate; Valete iterum *crescentes*, ut facitis *in scientia DEI veritatem facientes in charitate. Coniunctis Viribus confortemur in Domino & in potentia virtutis ejus, ad destruendam omnem altitudinem extollentem se adversus scientiam DEI. Verbum vita contineamus ad consummationem Sanctorum, in opus ministerij & adificationem Corporis CHRISTI.*

*Pax Vobis Fratribus & Charitas cum fide à DEO Patre & Domino IESU CHRISTO gratia. cum omnibus, qui diligunt Dominum nostrum IESUM CHRISTUM in incorruptione, Amen.*

Datum Parisijs, Calendis Augusti Anno R. S. humanæ, supra Millesimum Septingentesimò trigessimò.

L. D. REMIGIUS S. Facultatis Parisiensis Syndicus,

De Mandato Domini Decani & Magistrorum Sacræ Facultatis Parisiensis

HERISLANT Scriba m.p.



**Literæ ab Vniversitate Pa-**  
risiensi, nomine Præclaræ Artium  
Facultatis, ad Vniversitatem Cra-  
coviensem consignatæ.

**VIRI CLARISSIMI.**

**C**ognatio Litterarum & Studiorum, ac  
multò magis etiam conjunctio Religio-  
nis, quæ Catholicas omnes Academias inter  
se consociat, Parisiensem Artium Faculta-  
tem admonuit, ut ea Vobiscum Acta & De-  
creta communicaret, quibus interpositam  
antea provocationem à se revocari, ac de-  
bitum Constitutioni Vnigenitus obsequi-  
um exhiberi, summâ voluntatum propen-  
sione nuper declaravit. Hoc, consentien-  
tis Vobiscum & cum universâ Ecclesiâ fi-  
dei testimonium, quolibet alio munere Vo-  
bis pretiosius fore non dubitat, & quo læti-  
tiæ sensu mittit, eodem Vos confidit esse acce-  
pturos,



pturos. Ex his enim Actis intelligetis quàm  
sincero obsequij & venerationis affectû, Ec-  
clesiæ & Sanctæ Sedis Apostolicæ Decretis  
obedientes nos præbeamus. Mibi autem  
nihil accidere potuit aut iucundius, aut præ-  
clarius, quàm quòd me sententiæ suæ In-  
terpretem apud Vos esse iusserit Artium Fa-  
cultas. Itaque, VIRI CLARISSIMI,  
omni Vobis asseveratione testor, & huic Fa-  
cultati Nostræ, & mibi privatim summam  
erga Vos venerationem nunquam defutu-  
ram

Pitet Universitatis Pari-  
sienfis Syndicus.

Parisijs die 16. Decem-  
bris, 1739.

*Inscriptio.*

Perillustri Reverendissimo Domino pro tunc  
RECTORI, totiq; Almæ Universitati Studij  
Generalis Cracoviensis, in Polonia Filiæ No-  
stræ Charissimæ

pateant Cracoviæ.

ACTA



A C T A  
D E C R E T A  
PRÆCLARÆ ARTIUM  
Facultatis Parisiensis.

*Tam super Revocatione Appellationis à Con-  
stitutione S. D. N. Papæ CLEMEN-  
TIS XI. quæ incipit Vnigenitus, die  
quintâ Octobris 1718. ad futurum Gene-  
rale Concilium interjectæ, quàm super  
obsequio eidem Constitutioni exhibendo.*

M A N D A T V M  
Amplissimi Rectoris.



OS ARMANDUS PRINCEPS De RO-  
HAN-VENTADOUR, Rector Universi-  
tatis Parisiensis, omnibus præclaræ Facul-  
tatis Artium Doctoribus ac Magistris,  
Salutem:

Notum facimus, Comitia generalia  
præclaræ Artium Facultatis, de rebus gra-  
vissimis, extra ordinem habitum iri apud  
Maturinenses, die Lunæ undecimâ hujus mensis, horâ septimâ  
matutinâ. Ita indiximus de consilij nostri sententiâ.

Datum in Ædibus nostris Sorbonæ Plessæis, die Sabba-  
ti nonâ mensis Maij, Anno Domini 1739.



**A**Nno Domini 1739. die undecimâ mensis Maij horâ septimâ matutinâ, habita sunt, extra ordinem, Comitia generalia præclaræ Artium Facultatis, ex Mandato Amplissimi D. Rectoris, de ipsius consilij, hoc est ornatissimorum Procuratorum, sententiâ, duobus ante diebus dato, ad Collegiorum valvas & per Urbis compita affixo, atque etiam ad singulos Magistros, quorum nota sedes fuit, per Apparitores circumlato.

*Postquam in Comitio communi quatuor Nationes eo Magistrorum numero, quanto vix unquam antea, constiterunt, advenit ipse Amplissimus D. Rector. Et sic verba fecit:*  
**S**uperioribus Comitij, statim erumpentes grati animi sensus effari, vix nobis licuit, Procuratores ornatissimi, Proceres Academici. A Clarissimo Exrectore id petivimus officij, ut interpretem se præbere vellet nostræ erga vos voluntatis: quod ut eum rogaremus, non svasit solum amor in illum noster; sed cum intelligeremus ipsius in hoc eodem, quod gerimus, sustinendo munere prudentiam vobis omnibus non semel placuisse, ejus quoque vocem acceptissimam fore auribus vestris, nobisque ad conciliandos animos vestros aptissimam existimavimus. Quamvis autem tam fidelis apud vos internuntij poenitere nos profectò non debeat, poeniteret tamen silere nos diutiùs; vestroque beneficio gestiens animus continere se jam non potest.

Ita est certè, Academici Proceres, felix inter cæteros nobis semper habebitur ille dies, quo vestris suffragijs eò sumus evecti, ut ordini præessemus amplissimo, quem tot lumina virorum & collata in Religionem ac Rempublicam tot merita nobilitavêre. Suis enim Academia laboribus & Religionis & Reipublicæ causâ susceptis, nacta est quidquid habet splendoris. His Artibus titulos illos, quibus ab ipsis Regibus cohonestata incedit, & jura præcipua, quæ in ipso Regis conspectu non evanescunt, & ipsa hæc, quæ gerimus, insignia sibi comparavit.

Dum hæc autem loquimur, non excidit animo nostro, nos ad unam tantum Academiae partem verba nunc facere; sed quæ laudes ordini conveniunt universo, eas præclara hæc

Arti-



Artium Facultas præcipuò jure sibi vindicat. Hinc quasi ex incunabulis sese extulerunt ceteræ Facultates; hinc disciplinæ omnes, quæ ad tuendam tum Religionem, tum justitiam, tum corporum salubritatem comparatæ sunt, velut ex uberrimo fonte oriuntur. Hæc nos, ut ita dicam, lacte suo nutritos, superioribus tradit disciplinis, quæ robustius ingenium & maturius postulant. Si autem hoc in Regno tot ab annis tantopere bonæ disciplinæ claruerunt, nonne illa lux exorta est præcipuè ex ordine vestro, in quo civium animi ad præclara studia informantur? Efferent sese altiùs & uberiùs efflorescent illæ Disciplinæ atque Artes, sub ejus intuitu Principis, qui suorum unicè studiosus, id demùm sibi gloriæ ducit, ut eorum ornamento consulat & felicitati. Depositis, cum primùm licuit, armis, quæ sola sibi necessitas induerat, sustinuit victricem manum: neque rerum secundarum impetu raptus, sed ut hostium victor, sic sui potens, constitit in aspectu pacis, ad quam Europæ conciliandam ipso victoriarum cursu properabat. Quin etiam id justitiæ existimatione est assecutus, ut illi ipsi quibus potestatis suæ vim incusserat, res suas componendas ejus arbitrio permitterent. Vicit igitur hostium suorum non copias solum, sed animos: quo vincendi genere nullum præclarius potest, nullum jucundius inveniri. Consecrat Religionis amor tantas Principis virtutes: ea res omnes prout re verâ sunt, ita ipsi intuendas objicit: nihil ei quidquam videtur majus, quàm quod Religioni decorum est: quidquid illa commendat, id ipsi magnum, id regium, id summâ ope expetendum videtur. Neque dubium fuerit vobis, quin ejus in animum curamque penitùs descenderit hodierna hæc deliberatio, cum hic inter nos agatur causa Religionis, quæ ab ipsius sinu divelli nunquam potest.

Sentio, Academici Proceres, jam unumquemque vestrum præcipere cogitatione postulationem illam, quâ nos à pluribus Viris Academicis provocati, Comitia hæc indicimus. Statim atque nobis delata est, illam diligentissimè expendimus, remque, prout ejus magnitudo postulabat, cum Procuratoribus ornatissimis communicavimus.

C

Vno



Uno omnes ore censuerunt, præfatæ petitioni esse annuendum; atque idcirco quàm primùm indicenda esse, extra ordinem, præclaræ Facultatis Comitia, quibus tanti momenti negotium tractaretur.

Hujusce autem postulationis duo præcipua capita sunt; alterum, ut Nationibus, ex quibus constat præclara Facultas, suam liceat aperire sententiam de ea provocatione, quam anno millesimo septingentesimo decimo octavo, die quinto Octobris, Academia interposuit à Constitutione *Vnigenitus* ad futurum generale Concilium, deque his actis, quæ hanc provocationem, aut antecesserunt, aut subsecuta sunt, quatenus ad Nationes præclaræ Facultatis, aut hæc provocatio, aut ejusmodi acta pertinent; alterum verò, ut iisdem Nationibus liceat de obsequio Constitutioni *Vnigenitus* præstando quid sentiant, exponere.

Nemo vestrùm ignorat, Academici Procères, si quid alicujus Ordinis nomine constitutum fuerit, eam censi posse corporis universi sententiam, donec ab eodem ordine unde profectum est, recissum fuerit & abrogatum.

Frustra objecerit aliquis, Provocationum actis, quæ anno millesimo septingentesimo decimo octavo, tum facultatum, tum Nationum, ac demùm totius Academiae nomine institutæ sunt, non id juris sanciri, ut ij, qui tunc temporis in artium Facultatem nondum adscripti erant, eadem provocatione teneantur: quo fit ut ejusmodi actum, cujus ipsi nullo modo participes fuerunt, à se rescindi & revocari, si verborum vis & pondus attendatur, dicere non queant. Id verò ita se haberet, si de re aliqua inter privatos eorum nomine contracta ageretur. Sed, ut supra dictum est, non singulorum ea provocatio, sed universorum fuit, qui primò nationatim conjuncti, communi deinde provocationis Academiae vinculo universum corpus obstrinxere. Itaque & ad universos & ad singulos, qui in præclarâ Facultate censentur, pertinet hodierna deliberatio.

Anno quidem millesimo septingentesimo vigesimo, auctoritate regia sancitum fuit, nullius effectus esse habendas Appellationes. Sed vestri erga Ecclesiam obsequij significandi



candi Facultas minimè adempta Vobis est, & quid de illa Academia provocatione sentiretis, palam, pro vestra parte, declarandi: imò & hanc provocationem revocare vobis licet, & quam obedienter Ecclesiae Decretis pareatis, manifestò comprobare.

Anno millesimo septingentesimo decimo octavo de Constitutione *Unigenitus* exarserant vehementissimæ contentiones; spargebatur passim rumor, in damnatis Propositionibus sanctissima Religionis dogmata contineri, earumque damnatione, & Patrum & Scripturæ sacræ verba ipsa repudiari; quin & sacrorum Codicum lectione Fidelibus interdici; Sancti Augustini doctrinam, & divi Thomæ sententiam, de Gratia & Prædestinatione possumdari; primum & maximum de Divino amore præceptum, & sancti Caroli de administranda Pænitentia Regulas impugnari; subruì funditùs Ecclesiæ Gallicanæ Decreta & Libertates. Quidam à Constitutione alieni, sed paulò verecundiores, palam ferebant eam, si minus fideli, morum, doctrinæ & Ecclesiasticæ disciplinæ planè adversam, ex ipso tamen habitu obscuram esse; neque in tanto Propositionum numero satis discerni, quoniam vulnere singulæ laborarent. Strepebat igitur passim Gallia clamoribus, ad quos quorundam etiam Ecclesiæ Præsulum vox accesserat: his partibus sese adjunxerat Cardinalis Eminentiissimus, qui & virtutum suarum, & sedis suæ autoritate, Academiae oculos in se converterat. Quin etiam illo quasi æstu rapi visa est ipsa Theologiæ Facultas.

In hac inclinatione rerum ad provocationem lapsa est Academia. Viginti jam & amplius anni intercesserunt: quid autem attulit illa temporum series? Clementi Undecimo tres deinceps Summi Pontifices succelsere. Omnes Antecessoris sui judicium confirmarunt, & ipsius vestigia secuti nulli occasioni defuerunt, ut disseminatas adversus Constitutionem calumnias obtererent. Modò declaraverunt, Constitutionis *Unigenitus* eam esse præcipuè mentem, ut damnati jam & profligati in Bajo & Jansenio errores, iterum cunfoderentur: modò Sancti Augustini de Gratia & Prædestinatione doctrinam, ab Apostolica Sede laudatam toties & approbatam, multis etiam firmatam Concilijs, non modò non ullo afflatu viola-



ri, sed nunc etiam maxime vigere sub ipsis summorum Pontificum oculis, eamque in celeberrimis Romanæ Civitatis Scholis præcipuo jure dominari: modò Sancti Thomæ sententiam, quàm latè patet Ecclesia Christiana, omnium veneratione prosequendam esse. Quorumdam verò temeritatem, qui passim jactabant ex damnatis Propositionibus plurimas aut ex Scriptura sacra, aut ex Patrum scriptis ad verbum expressas esse, quantâ vehementiâ insectati sunt. Primum illud & maximum omnium præceptorum, quam necessitatem, quam vim haberet, ipsi palàm verbis scriptisque docere nunquam desierunt. Neque id obscurum est, Romæ non segniùs quàm usquam terrarum typis mandari, in vulgus edi, animarumque Pastoribus commendari Sancti Caroli Regulas, ex quibus Poenitentia administratio componatur.

Quanam fuit Episcoporum de Apostolica Constitutione sententia, quis animus? Nullus omninò inventus est apud exterarum Nationes, quæ Catholicâ fide continentur, qui non Decretum illud Fidelium obsequiò & obedientiâ colendum esse crediderit. Gallia, ubi natus est error, Præsules, præter admodum paucos, in eo consenserunt, ut in Diplomate Pontificio sanam Ecclesiæ doctrinam agnoscerent. Neque calumnijs, quæ temere volitabant, deterriti, imò accensius magis & erecti, jam anno 1714. cum suæ quisque Dioceseos Fidelibus Constitutionem proponerent, quò falsis malevolentia occurrerent interpretationibus, Pastorale Documentum promulgarunt.

Anno millesimo septingentesimo vigesimo, ut dissidentes animi magis ac magis revocarentur, novas expositiones in vulgus, ediderunt. Documenti Pastoralis ea præcipuè mens fuerat, ut verus ac germanus Constitutionis sensus explanaretur: in expositionibus id consilij fuit, ut innotesceret falsam à quibusdam consilari Constitutioni invidiam, quasi libertati Scholarum & sanæ doctrinæ infesta esset, sacrorumq; Librorum lectione Fidelibus interdiceret. Utrobique nihil prætermisum est, quò vani ac nimis anxij quorumdam metus sedarentur, & planum fieret, jura Regni & Ecclesiæ Gallicanæ Libertates nullo modo tentari.

In hoc



In hoc tanto, tam venerabili, tam valido & efficaci suffragiorum consensu, quis Ecclesiae vocem non agnoverit? Petri Successores, Episcoporum Corpus, quibus fidei depositum creditum est, quibus ut omnes docerent gentes Christus ipse mandavit, quibus dicto nos audientes esse iussit; quibus denique omnibus diebus ad consummationem saeculi affuturum se pollicitus est, ij sententiam dixerunt, debitam communi ipsorum voci obedientiam denegare, quam perversam, quam praecipitis esset audacia?

Nos verò, Academici Proceres, id Majorum nostrorum exemplo fateamur: quantocumque & doctrinae, & virtutis, & famae fastigio subnixae sint Academiae, nunquam tamen eae fuerunt auctoritate, ut de ijs quae spectant ad fidem, quasi è superiori loco judicarent. Prolato semel ab Ecclesia iudicio, obedire, obsequi, earum semper fuit; definire, decernere, ad Episcopale Corpus sacro quodam & intacto jure pertinet.

Neque nobis quisquam responderit, dogmatico Sanctae Sedis Apostolicae Decreto non teneri Fideles, nisi ab universo Episcopali ordine clarè, liberè, unanimi consensu nullà relictà dubitandi ratione acceptum fuerit; nisi praevio iudicio, re etiam atque etiam ad normam juris inquisitâ, ita ut non ex praepudicatis opinionibus, sed ex natura rei, certisque & indubitatis principiis sententia feratur. Absit quidem, ut quisquam aut sentiat aut dicere audeat, ad ferendum de ijs quae pertinent ad fidem iudicium, nullam inquisitionem, considerationem, libertatem requiri. Sed Christi promissis freti, ita sentire, ita dicere debemus, si quid Episcopalis ordinis voce sancitum est, id respuere auribus Fideli cuilibet omninò fas non esse. Sic fore promissum est, ut portae Inferi nunquam praevalerent: nunquam ergo invalescet tanta pestis, ut seu vi, seu negligentia, seu fraude praevaleant. Episcoporum Corpori Christus adest, Christus Sapiencia Patris, Christus aeterna Veritas: quatenus veritas praestò est, ut ab erroribus amoveat, quatenus sapientia, praelucet ipsis, ut quae docuit, certâ viâ consequantur. Statim atque Episcopalis ordo cum ipso Capite conjunctus aliquid circa fidem decre-

D

vit,



vit, statim atque sacrum illud Corpus, Interpres Divinæ vo-  
cis ac cælesti Spiritu afflatum, obedientiam postulat, tūc  
veri Fideles nihil dubitant; in Episcopali Corpore unitatem  
vident: in quo Episcopi consentiunt, dissentire nefas putant;  
sciunt quippe ad Episcopos pertinere has voces, *Qui vos au-*  
*dit, me audit*, sciunt eum qui Corpori Episcopali opem su-  
am pollicitus est, neque Episcopis, neque sibi, si Episcoporum  
vestigijs insistant, defuturum; atque ut Pastoribus in Christi  
promissis tutissimum semper est præsidium, ita sibi in fidei  
simplicitate arcem fore inexpugnabilem. *Quocumque modo,*  
*ajebat Bossuetius (1.) fiat ut Ecclesia consentiat, transacta pla-*  
*nè res est: neque enim fieri potest unquam, ut Ecclesia Spiritu ve-*  
*ritatis instructa, non repugnet errori.* Deus, inquit alio loco,  
ita versat animos, ita in eis dominatur, ut in aspectali & per-  
petua Successorum Apostolicorum communione, sana & in-  
corrupta doctrina semper victrix evadat.

His quasi potentissimis telis expugnatae mentes felicem  
illam in Gallia rerum mutationem ediderunt, quæ totius Ec-  
clesiæ plausu excepta est. In toto Episcopali ordine vix  
unum & alterum reperias, cujus metum ac suspicionem,  
visibilis auctoritas non evicerit. In universo orbe Catholi-  
co Academia nulla est, quæ obsequio significando defuerit:  
quin etiam Gallicanæ quædam Academiæ, ut Parisiensis ex-  
emplum in provocando secutæ fuerant, ita ipsi in revocan-  
da provocatione exemplo præverunt; & Theologica Facul-  
tas, quæ cum multis nominibus conjuncta vobis est, tum  
gravissimâ in ejus modi rebus auctoritate pollere debet,  
ipsa vobis prætulit facem, ipsa quod iter ingrediendum  
vobis esset, dux præmonstravit. Quot Congregationes si-  
ve Sæculares, sive Regulares, primo torrentis æstu, in trans-  
versum abreptæ, re maturius perpensâ & cognitâ ad reli-  
ctam semitam redierunt.

Num igitur, sola hæc nostra Societas in provocatione  
perstaret? Num solitariæ cujusdam contumaciæ crimen su-  
bire animo obstinaretus?

Quod si Constitutionem tam apertè tutatur spiritualis

(1) *Defensio Declarationis Cleri Gallicani de Ecclesiastica potestate. Lib. 3. cap. 2.*



auctoritas, ipsi quoque potestas temporalis non aperte minus patrocinata est. Id quidem summâ ope moliti fuerunt Constitutionis Adversarij, ut in Catholicas gentes omni aditu, cuniculis omnibus animorum suorum sensus obreperent. Quanam tamen Catholica, gens ab eo descivit obsequio, quod Ecclesiæ Decreto debetur? Et in Gallia quidem, Regia auctoritas, observatis religiosè ijs Institutis, quæ erga Pontificum Decreta ante hac usurpata fuerunt, Constitutionem *Unigenitus* statim amplexa est, eamque pro tenore suo iussit observari. Quam funditus Regia Majestas provocationes *Unigenitus* anni 1720. Edicto sustulerit, jam commemoravimus. Ibi aperte sancitur, Constitutionem hanc, tanquam Ecclesiæ Regniue legem habendam esse; ibi provocationes tolluntur, ipsas nullius effectûs esse declaratur; ibi edicitur, ne quis Regi Subditus provocationibus utatur, ne quis Judex earum ullam habeat rationem.

Anno millesimo septingentesimo trigésimo, novo insuper Edicto jubentur omnes Regni Cives, cujuslibet conditionis, eam Constitutioni præbere observantiam, eam obedientiam, quæ Ecclesiæ universalis circa doctrinam iudicio præbenda est; quo quidem Edicto alterum anni millesimi septingentesimi vigésimi Edictum corroboratur. Utrumque in omnium Parlamentorum Tabulas relatum.

Constat itaque in eo consentire utramque potestatem, ut id auctoritate suâ tueantur, quod à plurimis vestrum exoptatum, vobis ego, & ex ipsorum votis, & ex animi mei sententiâ sum propositurus.

Sileant igitur temerè præceptæ opiniones, odia conticescant, concidant partium studia; auribus animisque vestris nihil insurret, nisi ratio, nisi æquitas, nisi obsequium erga illas Potestates, quibus obtèperare nos DEUS ipse præcipit. Nihil sanæ doctrinæ, nihil Ecclesiasticæ disciplinæ nihil Ecclesiæ Gallicanæ Libertatibus imminet periculi. Curam omnem, & diffidentiam; vestris è mentibus eijciant, vox Successorum Petri, Documenta & Expositiones Episcoporum, constans & provida Principis nostri attentio, quæcumque tum ad Religionem, tum ad Rempublicam spectant diligentissimè perspi-



ciens; ejusque consiliorum sapientia singularis. Quod si in vestrum alicujus animo etiam nunc resideret nonnihil metus, ne fortè jura Regni læderentur, nonne hanc omninò suspicionem adimere debuisset erecta semper ac sollicita Parliamentorum vigilantia? Oriatur ergo è pectoribus vestris, spiret in sermonibus aura pacis & charitatis; dominantur nobis regulæ non regulis dominemur. Sanctæ Sedis Apostolicæ, unde unitas Sacerdotalis exorta est, devincti semper & addicti, justum ac legitimum obsequium tandem persolvamus Ecclesiæ præbeamus aures; augustissimo Regi, primogenito Ecclesiæ Filio, fidem nostram, venerationem, flagrantissimumque studium splendido & immortali pignore approbemus.

**P**orrò quam dixit in Oratione sua Amplissimus D. Rector factam, & ad se scripto delatam à pluribus singularium Nationum Magistris postulationem, his erat concepta verbis.

## AMPLISSIMO D.D. RECTORI.

AMPLISSIME D.D. RECTOR.

**A**ccedunt supplices è quatuor Nationibus præclaræ Artium Facultatis Magistri, ajuntque, interjectam fuisse nomine Universitatis die quintâ Octobris Anni 1718. provocationem à Constitutione *Unigenitus* ad futurum Generale Concilium, & illius provocationis Acta ad præclaram Artium Facultatem pertinentia, adhuc in Commentariis quatuor Nationum, ipsiusque Universitatis, manere reposita. Non ignorari quidem à se, hanc provocationem, simulque alias ijs temporibus institutas, per Edictum Regium anno 1720. datum, nullius affectûs esse declaratas; nihilò tamen minùs



minùs Universitatem à multis haberi ut in Appellatione suâ perseverantem, donec præfatæ Appellationis Acta, Actis contrarijs, ab eodem ordine unde priora profecta sunt, emanantibus, rescindantur. Cùm autem ad singulos Universitatis ordines pertineat, quid pro se facto opus sit expendere, supplicibus, pro officij sui parte, necessarium videri, provocationem hanc à quatuor præclaræ Artium Facultatis Nationibus, atque adeò ab ipsa præclara Facultate, procul amandari.

His de Causis, præfati Magistri orant Vos, Amplissime D.D. Rector, ut velitis rem tanti momenti apud præclaram Artium Facultatem, tam pro jure vestro, quam votis supplicantium annuentes, proponere: Et eò lubentiùs id à vobis postulant, quòd persuasum habeant, vos rem facturos præclaræ Facultati gratissimam, & à longè majori Procerum Academicorum parte dudum exoptatam. Quoniam autem in Comitij ordinarijs plurima solent occurrere negotia, quæ alias res, præsertim si graviores sint, suscipi ac tractari vix patiantur; rogant Vos, Amplissime Rector, ijdem Supplices, ut Comitia præclaræ Facultatis Artium generalia, extra ordinem, convocetis, quibus singulæ Nationes commodiùs possint suos aperire ac declarare sensus, tum super revocanda prædicta Appellatione, pro sua singulari parte, & super cancellandis Actis ad hanc provocationem spectantibus, quæ in suis Commentarijs continentur; tum super obsequio præstando præfatæ Constitutioni *Vnigenitus*.

Quod si feceritis, Amplissime D. D. Rector, æqui bonique consulueritis.

*Igitur Amplissimus D. Rector tria capita proposuit ad deliberandum, 1mò. De revocanda, pro singularum Nationum parte, Appellatione, Universitatis nomine interjectâ die quintâ Octobris 1718. à Constitutione Summi Pontificis Clementis XI. quæ incipit, Vnigenitus Dei Filius, ad futurum Generale Concilium. 2dò. De Actis ad eam Appellationem.*

E

pella-



pellationem pertinentibus. 31<sup>to</sup>. De obsequio præfata Constitutioni exhibendo.

Auditâ postulatione Magistri Balihazaris Gibert Syndici, intercedentis, ne omninò deliberaretur, sive de revocanda Appellatione, sive de Constitutione amplectenda, Amplissimus D. Rector dimisit Nationes ad deliberandum, tum de capitibus à se propositis, tum de postulatione meritissimi Syndici.

Secesserunt Nationes in suam quæque locum, ac post duas circiter horas, in commune Comitium regressis, Ornatissimi Procuratores sic retulerunt:

M. JULIANUS-JOSEPHUS JAMOAYS, Licentiatus in Utroque Jure, honorandæ Gallorum Nationis Procurator, dixit: Honoranda Natio, unanimi Tribuum consensu; imò, Censet immeritò moveri difficultates adversus Constitutionem *Vnigenitus*, à Corpore Episcoporum acceptatam, auctoritate Regiâ munitam, & in Regno promulgatam, quasi contraria foret Juribus regni Ecclesiæque Gallicanæ Libertatibus, quibus profitetur se esse, ac semper fore addictissimam.

2<sup>dò</sup>. Improbatur ea quæ à meritissimo Syndico dicta sunt.

3<sup>tiò</sup>. Maximè probatur laudatque vehementer Orationem ab Amplissimo Rectore modò habitam: postulat eam referri, tum in suos, tum in Universitatis Commentarios, atque etiam typis mandari & in lucem edi latinè & gallicè. Gratulatur autem sibi quòd Serenissimus Princeps, secundum præclaræ Artium Facultatis vota, Rectoriam Dignitatem, ipsi communibus suffragijs delatam, sulceperit.

4<sup>to</sup>. Nullâ habitâ ratione intercessionis meritissimi Syndici, censet revocandam esse provocationem nomine Universitatis interjectam die quintâ Octobris 1718. à Constitutione quæ incipit *Vnigenitus* ad futurum Generale Concilium, ac se ipsâ revocat, tam provocationem illam Universitatis commu,



communem, pro sua parte, quam specialem suo nomine institutam die primâ Octobris 1718. Præterea censet ac vult cancellari omnia Acta ad illam provocationem pertinentia, quæ in suis Commentarijs continentur, tum quæ prædictam provocationem antecesserunt, quum ea quæ subsecuta sunt; postulat autem in Commentarijs Universitatis ad marginem provocationis, totius Academiæ nomine interjectæ, notam apponi à fidelissimo Scriba, quæ admoneat, hanc provocationem fuisse ab honoranda Natione pro sua parte revocatam.

510. Declarat ac profitetur, se corde & animo amplecti præfatam Constitutionem *Vnigenitus*, tanquam Judicium Ecclesiæ universalis Dogmaticum & Regni Legem.

M. NICOLAUS-LINARD D'AVELUY, Baccalaureus Theologus, Socius Sorbonicus, fidelissimæ Picardorum Nationis Procurator, dixit: fidelissimam Picardorum Nationem in omnibus capitibus cum honoranda Natione consentire.

M. LUDOVICVS-NICOLAUS DVRAND, Philosophiæ Professor-Emeritus, venerandæ Normannorum Nationis Procurator, retulit Conclusionem venerandæ Nationis, quæ eadem omninò fuit cum honorandæ Nationis Conclusionem.

M. FRANCISCVS-NICOLAUS BRESSON, Licentiatus Theologus, constantissimæ Germanorum Nationis Procurator, retulit Conclusionem constantissimæ Nationis, cum trium Nationum Conclusionibus, quò ad omnes partes concordantem.

*Auditis singularum Nationum Conclusionibus per ornatissimos Procuratores relatis, sic pronuntiavit Amplissimus D. Rector:*

Omnes Nationes, imò. censent immeritò moveri difficultates adversus Constitutionem *Vnigenitus*, à Corpore Episcoporum acceptatam, auctoritate Regia munitam & in Regno promulgatam, quasi contraria foret Juribus Regni,



Ecclesiæque Gallicanæ Libertatibus, quibus profitentur, se  
esse ac semper fore addictissimas.

2do. Improbant ea, quæ dicta sunt à meritissimo Syn-  
dico:

3to. Probant Orationem à Nobis modò habitam: po-  
stulant eam inscribi in Commentarijs tum Nationum, tum  
Universitatis, atque etiam typis mandari, & in lucem edi La-  
tinè & Gallicè.


4to. Nullâ habitâ ratione intercessionis meritissimi Syn-  
dici, censent revocandam esse provocationem nomine Uni-  
versitatis interjectam die quintâ Octobris an. 1718. à Consti-  
tutione Summi Pontificis Clementis XI. quæ incipit, *Unige-  
nitus Dei Filius*, ad futurum Generale Concilium, ac re ipsâ re-  
vocant, tam provocationem illam Universitatis communem,  
pro sua singularum parte, quàm specialem suo singularum  
nomine antè institutam. Præterea censent ac volunt can-  
cellari omnia Acta ad illam provocationem pertinentia, quæ  
in suis Commentarijs continentur, tum quæ prædictam pro-  
vocationem antecesserunt, quàm ea quæ subsequuta sunt; po-  
stulant autem, ut in Commentarijs Universitatis, ad margi-  
nem provocationis totius Academiæ nomine interjectæ, ap-  
ponatur à Scriba fidelissimo nota, quæ admoneat ipsam, hanc  
provocationem fuisse à Nationibus, pro sua singulorum par-  
te, revocatum.

5to. Eædem Nationes declarant ac profitentur se corde  
& animo amplecti Constitutionem *Unigenitus*, tanquam Ju-  
dicium Ecclesiæ Universalis Dogmaticum ac Regni Legem;

Et ita vobiscum concludo

ARMANDUS PRINCEPS De RO-  
HAN-VENTADOUR, Rector.

PIAT, Scriba.



Anno





Nno Domini 1739. die 23. Junij, horâ decimâ matutinâ, habita sunt Comitia ordinaria ac generalia præclaræ Artium Facultatis in Maturinensi.

M. Franciscus Pitet, Syndicus \*, legit, ita jubente Amplissimo D. Rectore, Litteras Regias; legit etiam Decretum Regij Consistorij die 14. Maij latum.

Deinde Amplissimus D. Rector Orationem habuit elegantem, quâ Proceres Academicos hortatus est ad pacem inter se concordiamque firmiter retinendam. Postea jussit legi ab Universitatis scribâ Decretum præclaræ Artium Facultatis postremis in Comitijis, hoc est, die 11. Maij proximè elapsi, factum, ut Nationes singulæ suas sententias conclusionelque recognoscerent.

Tum auditus est M. Franciscus Pitet, Syndicus.

2dò. Postulavit, Judicium à Supremo Regis Consistorio die 14. Maij latum, unâ cum Litteris Regijs, inscribi in Commentarijs tum Nationum, tum Universitatis.

3tiò. Inscribi pariter in Commentarijs Universitatis Orationem ab Amplissimo D. Rectore habitam die 12. hujus mensis in Comitijis supplicatorijs.

4to. Decretum die 11. Maij factum, postquam à singulis Nationibus his in Comitijis recognitum fuerit, & quantum opus est, confirmatum, typis mandari Latinè & Gallicè.

5to. Statui à Nationibus nûm quid supplicibus in græmum Nationum admitti, deinceps postulaturis, præscribendum sit, quo pax & concordia in præclarâ Artium Facultate in posterum servetur; salvis semper & illæsis Regijs Edictis, quibus prohibetur ne novæ subscriptionum Formulæ exigantur.

6to. Rogari Amplissimum D. Rectorem, ut velit tam

\* Elatus in locum M. Gilbert die 23. Maj.



suo ipsius, quàm præclaræ Artium Facultatis nomine, Eminentissimo Regni Administro scriptis litteris gratias agere, quòd, Religionis & pietatis studio motus & ductus, res Academicas apud Regiam Majestatem promoverit, & ab eo flagitet ut Academiam nostram eadem benevolentia complecti pergat ac tueri.

*Amplissimus D. Rector dimisit Nationes ad deliberandum, de supplicibus, de confirmandis quatuor Viris mature electis; & de postulatis à meritisissimo Syndico. Insuper postulavit ut rata & grata haberentur quæcumque gessit in suo Trimestri Magistratu, sibi que Litteræ Commendatitiæ decernerentur.*

*R*egressæ Nationes in Comitium per ornatissimos Procuratores retulerunt.

2dò. Se rata & gratissima habere quæcumque gessit Amplissimus D. Rector in suo Trimestri Magistratu, ac nominatim Decretum die 11. Maii factum & à Scriba his in Comitibus lectum, in quo se singulas suas Conclusiones eadem die factas recognoscere, & quantum opus est, confirmare; atque his de causis Litteras commendatitias decernere se Amplissimo D. Rectori, quàm fieri potest, honorificentissimas: sibi præterea maximè plaudere, quòd Ampl: D. Rector, cum Regi augustissimo pacem Europæ gratularetur, Academiae Principis honorem ac dignitatem tantà cum laude sustinuerit.

3iò. Postulare, ut suprà memoratum Decretum, cum omnibus Actis ad illud pertinentibus quamprimum typis mandetur Latine & Gallicè, ejusque Exemplà, quibus decuerit, offerantur. Itemque ut eloquentissima Oratio ab Amplissimo D. Rectore in Comitibus supplicatorijs die 12. hujus mensis habita, inscribatur in Commentarijs Universitatis.

4tò. Censere se Decretum à Supremo Regis Consistorio die



die 14. mensis Maij proximè elapsi latum, unà cum Regijs Litteris, inscribendum esse in Commentarijs Nationum, & Universitatis.

510. Ut occurratur turbarum seminibus, quæ ex animorum dissensione oriri solent, paxque & concordia in præclara Artium Facultate servantur, se ac statuere, neminem deinceps in gremium Nationum esse admittendum, nisi prius coram Natione viva voce dicat, se adhærere Decreto præclaræ Artium Facultatis, die undecimâ Maij 1739. lato; salvis semper & illæsis Edictis, quibus Rex declaravit, suam non esse mentem, ut novæ subscriptionum Formulæ erga Constitutiones Pontificias in Regno promulgatas, neque directè, neque indirectè, exigantur.

610. Rogari à se Amplissimum D. Rectorem, ut scriptis Litteris, tam suo ipsius, quàm præclaræ Artium Facultatis nomine, gratias agat Eminentissimo Cardinali, Regni Administro, quòd, Religionis & pietatis studio motus semper & ductus, res Academicas apud Regiam Majestatem promoverit, & ab eo flagitet, ut Academiam nostram eadem benevolentia complecti pergat tueri.


Et ita fuit ab Amplissimo D. Rectore conclusum.

ARMANDUS PRINCEPS De RO-  
HAN-VENTADOUR,  
Rector.

PIAT Scriba.







*Sacra Theologiæ Facultas Parisiensis in Comitibus die 1. Junij 1739. occasione Decreti à præclara Artium Facultate lati die 11. Maij, statuit ea quæ sequuntur.*

**EXTRACTUM** ex Conclusionem Sacræ Facultatis Parisiensis, lata die Lunæ primæ Junij 1739.

1mo.

2do.

3to. Requirente & postulante dignissimo Domino Syndico, auditus est sapientissimus Magister de Romigny Ex-syndicus, qui coram Sacra Facultate retulit, quæ nuperri-mè peracta fuerant apud Tribunal Academicum, tum ad confirmandam electionem factam Serenissimi Principis Magistri ARMANDI DE KOHAN-VENTADOUR, Sacri Ordinis Baccalaurei Theologi, in Rectorem totius Universitatis, tum etiam quæ secuta fuerant, maximè verò quæ ratione præclara Artium Facultas, in suis generalibus Comitibus die 11. mensis Maij ultimò præteriti celebratis, provocationem olim à dictâ Artium Facultate interjectam planè revocasset, suumque erga Constitutionem *Unigenitus* obsequium declarasset, & eâ de re idem S. M. de Romigny tria observavit.

Scilicet 1mo. Videri sibi rogandum esse venerandum D. Decanum, vel eum Magistrum qui ejus vices gereret in Comitibus generalibus Universitatis apud Maturinenses habendis, ut Formulæ solitæ adderet, quantum Sacræ Facultati gratum



rum fuerit quod gestum est à præclara Artium Facultate, ipsique gratularetur nomine Sacri Ordinis, imprimis verò Amplissimo Rectori.

2dò. Cùm adhuc extarent in Commentarijs Universitatis Actus provocationis, sub nomine Sacræ Facultatis, annis 1717. & 1718. interjectæ, nihil non tentandum, utendo in præsentiarum occasione fausta, ut saltem ad marginem horumce Actuum mentio fieret Decreti ejusdem Sacræ Facultatis, die decimâ quintâ Decembris 1729. lati; quo quidem Decreto Actus omnes circa provocationem præfata Sacra Facultas rescidit, suosque non esse declaravit.

3iò. Tandem, cùm neminem lateret mentem Amplissimi Rectoris esse proximam ingredi Licentiam, videri opportunum, ne ipsum retardaret Rectoria dignitas, quam tam feliciter & honorificè gerit, ut Sacra Facultas, cui abundè perspecta est Serenissimi Principis eruditio, hâc ipsâ die declararet, ipsum esse, ac si de suis prævijs duobus examinijs respondisset, hic & nunc inter Baccalaureos primi ordinis repositum, penesque ipsum fore, die primâ Januarii proximi, Licentiam suam auspicari.

**H**is finitis: requirente dignissimo D. Syndico, reposita à venerando Viro, sapientissimo Magistro Antonio le Moyne, Socio Sorbonico, pro-Decano & Comitiorum Praside:

Sacra Facultas censuit unanimi consensu.

imò. esse rogandum venerandum D. Decanum, vel eum Magistrum, qui nomine Sacri Ordinis in proximis Comitijs generalibus Universitatis apud Maturinenses habendis, verba faciet, ut addat Formulæ solitæ, quantum Sacræ Facultati gratum fuerit quod gestum est à præclara Artium Facultate, die undecimâ Maij ultimò præteriti, cùm obsequium suum erga Constitutionem *Vnigenitæ* declaravit, eam agnoscendo, ut par est, Dogmaticum Ecclesiæ Judicium, huicque



huicque præclaræ Facultati, maximè verò Amplissimo D. Rectori, verbis honorificentissimis gratuletur.

2dò. Ultrò & spontè eidem Serenissimo Principi & Amplissimo Rectori, ob Dignitatem Rectoriam quam tam feliciter & magnificè gerit, hanc prærogativam singularem, concedit, ac si de suis duobus examinibus præviis ad Licentiam respondisset, proximam ingredi possit Licentiam. Qui autem hoc ipsi significant, & simul quæcumque nuperimè tam feliciter gessit ad honorem Religionis & Ecclesiæ, privatis ejus in ædibus, nomine ejusdem Sacri Ordinis, gratulentur, rogati sunt venerandus D. Decanus & dignissimus D. Syndicus.

3tò. Rogatus est S. M. de Romigny, ut in proximis Comitij. Tribunalis Academici, nomine Sacræ Facultatis, postulet, ut ad marginem illorum Actuum, qui extant in Commentarijs Universitatis & nomen habent, *Actus Provocationis Sacræ Facultatis anni 1717. & 1718.* apponatur nota & mentio Decreti Sacræ ejusdem Facultatis die 15. Decembris 1729. lati, quo quidem Decreto præcedentes Actus omnes circa Provocationem ad futurum Generale Concilium rescidit, revocavit, suosque non esse declaravit, stando firmiter Decreto ab ipsâ lato, mense Martio 1714. pro acceptandâ & recipiendâ cum omni obsequio & reverentiâ præfatâ Constitutione *Unigenitus.*

4tò. Curet idem S. M. de Romigny parari quamprimum Exemplar Actuum Sacræ Facultatis, qui fuerunt annis 1730. & 1731. mandati typis, istudque volumen ritè compactum offerat Tribunali Academico, ut in scrinijs Universitatis reponatur.

Ita est,

HERISSANT, Sacræ  
Facultatis Scriba.

SEN.



*SENTENTIA DICTA à S. M.*

*Antonio Le Moyne, Vices-Theologiæ  
Decani gerente, in Comitijs die 12. Ju-  
nij habitis ad solemnes Universitatis  
Supplicationes.*

**Amplissime D. Rector, sapientissimi De-  
cani, Procuratores ornatissimi, Proceres Aca-  
demici.**

**P**er me Sacra Facultas rata & grata habet quæcumque  
gessit Amplissimus D. Rector in suo Trimestri Magistra-  
tu, de consilio Decanorum, litterasque ipsi decernit com-  
mendatitias, quàm potest honorificentissimas.

Prætereà sacer Ordo id mihi in mandatis dedit, ut ejus no-  
mine palâ testarer in præsentibus Comitijs, quàm gratû ipsi fue-  
rit & acceptum, quod die 11. mensis Maij proximè præteriti à  
præclara Artium Facultate solemniter gestum audivimus, ad  
Ecclesiæ & Religionis utilitatem, nostræque Academiæ decus  
& honorem; cùm erga Constitutionem *Vigenicæ*, Decretum  
universalis Ecclesiæ Dogmaticum, suum illa, ut par est, obse-  
quium reverentiamque palam professa est. Id verò totum,  
quod certè optimum est, plenumque Religionis, præcipuè de-  
beri intelligimus, studio & prudentiæ Amplissimi D. Rectoris.  
Itaque singulari lætitiæ sensu gestiens Sacra Facultas præclaræ  
Artium Facultati, ac præsertim Ampl: Rectori maxime plau-  
dit, remque tam feliciter gestam sincerè & ex animo, Re-  
ligionis nomine, gratulatur.

*M. Gibert, qui in Comitijs præclara Facultatis die 11.  
Maij habitis, intercesserat omni propositioni facta vel fa-  
cienda, omnique deliberationi, tam de revocandâ Appella-  
tione,*



tiono, quàm de Constitutione Vnigenitus cum obsequio recipienda; eadem die, quamvis à præclara Artium Facultate unanimi sive Nationum, sive Tribuum consensu, Decretum de revocandâ Appellatione & de obsequio Constitutioni exhibendo latum fuisset, intercessionem suam Amplissimo D. Rectori, Ornatissimis Procuratoribus, aliisque Magistris, per accensum Regium, apud M. Nicolaum Piat Scribam Universitatis denuntiavit.

Eadem die 11. Maij, qui adhaerant protestationi præfati M. Gibert, Actum intercessionis suæ eodem modo renuntiari, seu significari fecerunt.

Jam verò illorum Actuum occasione latum est Decretum Supremi Consistorij, & datae sunt Litteræ Regiæ, quorum tenor sequitur.

---

## DECRETVM

Supremi Cōsistorij in præsētia S. R. M.

Die 14. Maij, 1739. latum;

Quo ordinatur suppressio actuum, ex occasione Conclusionis Facultatis Artium die undecima Mensis currentis latæ, denuntiatorum.

EXTRACTUM ex Actis Consilij Status.

LE Roy s'étant fait représenter la Conclusion du 11. de ce mois par laquelle la Faculté des Arts de l'Université de Paris, rejetant d'abord les difficultés de ceux qui ont voulu



voulu attaquer la Constitution *Vnigenitus*, acceptée par le Corps des Evêques, revêtuë de l'Autorité Royale, & publiée dans tout le Royaume, comme si elle étoit contraire aux Droits de la Couronne, & aux Libertés de l'Eglise Gallicane, auxquels ladite Faculté proteste d'avoir toujours été, & de demeurer toujours très-attachée; elle auroit déclaré ensuite qu'elle se soumettoit de cœur & d'esprit à cette Constitution, révoquant l'Appel qu'elle en avoit interjetté au futur Concile général le cinq Octobre 1718. le tout ainsi qu'il est plus au long porté par ladite Conclusion: comme aussi la signification faite le même jour, à la Requête du Syndic, aux Recteur, Procureurs & Suppôts de la Faculté de Arts, en la personne du Greffier de ladite Université, par laquelle il leur auroit fait donner copie du Discours par lui prononcé dans l'Assemblée tenuë le matin, & où il avoit déclaré s'opposer à toute proposition, ou délibération qui tendroit à révoquer l'Appel & à recevoir la Constitution, requerant que ce Discours fût inseré dans les Régistres de l'Université. Vu pareillement par Sa Majesté, l'Acte signé de plusieurs des Membres & Suppôts de la Faculté des Arts, par lequel, en adhérant aux Conclusions & à l'opposition du Syndic, ils déclarent comme lui, qu'ils persistent dans l'Appel interjetté en 1718. se réservant la Faculté de se pourvoir par les voies de droit; ledit Acte signifié le même jour & dans la même forme que celui du Syndic de l'Université, avec semblable requisition au Greffier de le transcrire dans ses Régistres. Sa Majesté auroit considéré que de pareils Actes ne pouvoient être regardés, que comme une contravention formelle aux dispositions précises des Déclarations du 4. Août 1720. & 24. Mars 1730. par les-

H

quelles



quelles, en confirmant les Lettres Patentes données en 1714. sur la Bulle *Unigenitus*, & les Arrêts d'enregistrement de ces Lettres, le Roy auroit expressément défendu de se servir des Appels au futur Concile précédemment interjettés, de les renouveler, ou de déclarer qu'on y persiste: en sorte que Sa Majesté ne scauroit réprimer trop promptement une entreprise qui ne peut tendre qu'à perpetuer dans la premiere Vniversité du Royaume, une division de sentimens, & une difference de conduite aussi contraires à l'honneur & à la dignité, qu'aux véritables avantages & à l'union d'un Corps que Sa Majesté, à l'exemple des Rois ses prédecesseurs, a toujours honoré d'une protection particuliere; à quoi étant nécessaire de pourvoir: Sa Majesté étant en Son Conseil, a ordonné & ordonne que leldits Actes signifiés le 11. du présent mois, au Greffier de l'Vniversité de Paris, seront & demeureront supprimés, comme nuls & contraires au respect & à la soumission qui sont dûs aux Déclarations du 4. Août 1720. & 24. Mars 1730. tendant à émouvoir les esprits & à troubler la tranquillité publique. Fait Sa Majesté très-expresses inhibitions & defenses à ceux qui ont signé leldits Actes, de s'en servir, ni de faire aucunes poursuites, ni procédures en conséquence, ou d'en répandre & distribuer des Copies; comme aussi à tous Imprimeurs, Libraires, Colporteurs, ou autres, de quelque état, qualité & condition qu'ils soient, d'en imprimer, vendre, débiter, ou autrement distribuer des Exemplaires; le tout, sous les peines portées par l'article cinq; de la Déclaration du 4. Août 1720. Enjoint au Sieur Herault Conseiller d'Etat, Lieutenant Général de Police, de tenir la main à l'exécution du présent Arrêt, lequel sera lû, publié & affiché par tout où besoin sera



in fera. FAIT au Conseil d'Etat du Roy, Sa Majesté y  
étant, tenu à Marly le quatorzième jour de May mil sept  
cent trente-neuf.

*Signé, PHELYPEAUX.*

LETTRE DU ROY,  
A M. LE PRINCE DE ROHAN-VENTADOUR.

MON COUSIN, j'ai jugé à propos de releguer de la  
Ville d'Auxerre, le Sieur Gibert Syndic de l'Univer-  
sité de Paris, & de l'exclure de toutes fonctions de ladite  
place, ainsi que de voix active & passive & entrée, tant dans  
les Assemblées de la Faculté des Arts, que dans celles de  
sa Nation. J'ai pareillement cru devoir exclure de mêmes  
Assemblées & de voix active & passive, tous les Princi-  
paux, Professeurs, Bacheliers & Maîtres ès Arts en ladite  
Université, qui ont signé l'Acte de Protestation du 11. de  
ce mois, jusqu'à ce qu'ils se soient désistés de ladite Pro-  
testation. Je vous envoie les ordres que j'ai fait expedier  
sur ces differens objets, & pour vous autoriser à proceder  
à la nomination d'un nouveau Syndic de ladite Univer-  
sité, à la place dudit Sieur Gibert. Le zèle & la prudence  
que vous avez marqué dans des circonstances aussi inté-  
ressantes, m'assurent que vous tiendrez la main à ce que  
mes ordres soient exactement suivis. Sur ce je prie Dieu  
qu'il vous ait, Mon Cousin, en sa sainte & digne garde.  
Ecrit à Marly le 14. May 1739. *Signé, LOUIS; & plus bas,*  
PHELYPEAUX.

*Et au dos est écrit,*

A mon Cousin le Prince de Rohan-Ventadour.

H<sub>2</sub>

LETTRE



# L I T E R Æ R E G I Æ,

*Mandantes Universitati Parisiensi electionem novi Syndici, & exclusionem Magistri Gibert, à voce activa & passiva tam de Facultate Artium, quàm de Nationibus.*

## DE PAR LE ROY.

**C**Hers & bien aimés, ayant jugé à propos pour de bonnes & justes considérations, de releguer en notre Ville d'Auxerre le Sieur Gibert Syndic de l'Université de Paris, notre intention est qu'il ne puisse à l'avenir faire aucunes fonctions dépendantes de ladite Place; & étant nécessaire d'y pourvoir, nous vous mandons & ordonnons de procéder à la nomination d'un nouveau Syndic de l'Université, & de tenir la main à ce que ledit Sieur Gibert soit exclu de toute voix active & passive, & entrée aux Assemblées tant de la Faculté des Arts que de la Nation. Si n'y faites faute, car tel est notre plaisir. **DONNE'** à Marly le 14. May 1739. *Signé* LOVIS, & plus bas, PHELYPE-AVX.

*Et au dos est écrit,*

A nos tres-chers & bien aimés les Recteur, Doyens des Facultés, & Procureurs des Nations de notre première & aînée Fille l'Université de notre bonne Ville de Paris.

---

# L I T E R Æ R E G I Æ,

*Mandantes exclusionem à Comitijs, & privationem vocis activa & passiva, eorum omnium, qui adhaeserunt oppositioni Magistri Gibert, nisi & donec respuerint.* Chers

C

en l'  
tion  
l'Univ  
& ex  
que d  
eres d  
de lad  
ausdite  
à peine  
tre pré  
& inscr  
tion en  
té de leu  
exécution  
*Donne'*  
bas, Ph

A no  
urs des N  
Fille l'Un

LET

A S. I

MON

Je suis  
té, de rend  
vives actio



**C**Hers & bien aimés, jugeant à propos que tous les Principaux, Professeurs, Bacheliers & Maîtres ès Arts en l'Université de Paris, qui ont signé l'Acte de Protestation du 11. de ce mois, signifié ledit jour au Greffier de l'Université, soient privés de toute voix active & passive, & exclus des Assemblées générales, tant de l'Université, que de la Faculté des Arts, & des Assemblées particulières de leurs Nations, jusqu'à ce qu'ils se soient désistés de ladite Protestation; Nous leur faisons défenses d'assister ausdites Assemblées, & à vous de les y recevoir, le tout à peine de désobéissance; à l'effet de quoi voulons que notre présent ordre soit lû dans votre première Assemblée, & inscrit dans vos Régistres, & dans ceux de chaque Nation en particulier; Enjoignons au Syndic de l'Université de leur notifier ces Présentes & de tenir la main à leur exécution. Si n'y faites faute, Car tel est notre plaisir.  
*Donné à Marly le 14. May 1739. Signé, LOVIS, & plus bas, PHELYPEAUX.*

*Et au dos est écrit,*

A nos très-chers & bien aimés les Recteur, Procureurs des Nations, & Suppôts de notre première & aînée Fille l'Université de notre bonne Ville de Paris.

**LETTRE DE M. LE RECTEUR**  
A S. E. Monseigneur le Cardinal Ministre.  
**MONSEIGNEUR**

Je suis chargé, en qualité de Recteur de l'Université, de rendre à VOTRE EMINENCE de très-humbles & très-vives actions de grâces, au nom de la Faculté des Arts,  
I  
de tout



de tout ce que le zèle de la Religion & l'esprit de piété vous ont inspiré en sa faveur. L'intérêt que vous avez bien voulu prendre à ce qui s'est passé dans nos délibérations, nous assure de l'approbation & de la protection du Roy, & nous nous faisons un véritable devoir de rapporter à VOTRE EMINENCE un succès; que tous ceux qui aiment l'Eglise & qui desireront d'y voir la paix, compteront toujours au nombre des événemens glorieux de votre Ministère. VOTRE EMINENCE m'a comblé en particulier de ses bontés, j'en suis pénétré de reconnoissance & je ne les oublierai jamais. J'ai l'honneur d'être, &c. &c.

*A Paris ce 27. Juin 1739.*

### REPONSE DE SON EMINENCE.

JE reçois, MONSIEUR, avec la plus vive reconnoissance toutes les expressions gracieuses dont vous avez la bonté de vous servir au nom de la Faculté des Arts, & l'honneur que vous voulez bien me faire de me donner quelque part dans le succès de ce qu'elle avoit entrepris pour la Religion. Votre nom, votre douceur, & une prudence adefus de votre âge, aussi-bien que les soins de Monsieur le Cardinal de Rohan, sont les principales causes d'un événement si flatteur pour vous, & si utile en même tems pour le bien de l'Eglise. Je vous supplie de vouloir bien remercier Messieurs de la Faculté des Arts de l'honneur qu'ils me font, & je l'attribuë avec plaisir à une attention obligeante de votre part. Je vous supplie d'être persuadé, MONSIEUR, &c.

*A Compiègne le 30. Juin 1739.*

F I N.



*J. X. X. 3*



de pieté  
avez bien  
érations,  
du Roy,  
ter à Vo-  
ment l'E-  
toujours  
Ministère.  
ses bon-  
soubli-  
rai

CE.  
noissance  
z la bon-  
& l'hon-  
r quelque  
our la Re-  
ce audef-  
onfieur le  
un événe-  
ems pour  
en remer-  
eur qu'ils  
tion obli-  
persuadé,



